



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiæ Augustæ Scriptores VI

Ælius Spartianus. Vulc. Gallicanus. Julius Capitolinus. Trebell. Pollio. Ælius
Lampridius. Flavius Vopiscus

Spartianus, Aelius

Lugduni Batavorum, 1671

Viro Nobilissimo, Amplissimo, Clarissimo, Johanni Meerman. Inclytæ Reipub.
Lugdunensis Consuli Primario, Ante Biennium Illustrissimorum Ac
Præpotentium DD. Ordinum Foederati Belgii Ad Serenissimum Magnæ ...

[urn:nbn:de:hbz:466:1-51177](https://nbn-resolving.org/urn:nbn:de:hbz:466:1-51177)



V I R O

Nobilissimo, Amplissimo, Clarissimo,

J O H A N N I
M E E R M A N .

INCLYTÆ REIPUB. LUGDUNENSIS
CONSULI PRIMARIO, ANTE BIEN-
NIUM ILLUSTRISSIMORUM AC
PRÆPOTENTIUM DD. ORDINUM
FOEDERATI BELGII AD SERENIS-
SIMUM MAGNÆ BRITANNIÆ RE-
GEM ORATORI.

S. P. D.

H A C K I I F R A T R E S .

PER QUAM inique cum rebus com-
paratum est humanis, nec deploran-
da satis fragilis earum conditio : nihil
certum, nihil firmum, fato cuncta in-
* 3 evita-

D E D I C A T I O.

evitabili ruinæque exposita perdit constitutum
rebus omnibus à natura commune excidium.

Nec melius consulere fata iis, quibus ad hu-
manitatem vita informari solet, queis mens no-
stra altius vulgo caput erecta, vixisse omnibus
sæculis rite videri potest: literis, inquam, bo-
narum artium, & seriis Antiquitatis, mayo-
rumque cultoribus. Quanta ævi vetustas,
quæ non dira obtrectatio molita in optimos fin-
gendæ mortalitatis artifices! Quæ cum maxime
damna & incommoda ab infestis signis literarum
Historiarumque Mæcenatibus inflicta, auctori-
busque!

Quare diutius dubiam nobis mentem traxit
sententia, iterumne publicæ luci exponendum
opus hoc & malorum calumniis, an tenebris,
quibus involutum hærebat, relinquendum. Sed
subito discussa dubitationis nubes, ut tuum
subiit nomen, Vir Amplissime, præsentissimum
hisce temporibus moribusque remedium. Tuus
in fronte titulus omnium injuriarum *Φυλακί-
ειον:*

Ad te igitur, Vir Nobilissime, tutissimum
perfugium ducit nos imperterritus & fiduciæ
plenus animus, promptioresque ad rem geren-
dam

D E D I C A T I O.

dam facit, spectata non ita pridem tui in nos studii significatio, cum Vellejum tuo titulo insignem publica lux exciperet. Hos etiam, sed meliori, quam antea, cultu, auctores in tuum gremium deponimus, & Donarium hoc (Dir dent gratissimum) tuo nomini sacrum suspendimus, dicamus, consecramus. A quo enim melius petat commendationem labor noster, quam à te, cujus celebrata per terrarum orbem eruditio, nota Transmarinis populis eloquentiæ vis, qui, simul ut tuum nomen oblatum fuerit, cum veneratione opus hoc admirabuntur & suspicient, quod dignum judicasti tuis titulis insignitum procedere. Et quæso immortalitatem hisce auctoribus quis non polliceri audeat; quis malevolorum obtrectationem; quis edax tempus extimescat? Tuum certe, MEERMANNÉ, insigne nomen, cumque omni æternitate adæquandum vitam operi promittit longissimam. Nec ingratam fore speramus oblationem, cum ea sit materia qua tuum, Vir Nobilissime, delectatur maxime ingenium. Stylus certe fatis Romanus, qui quantopere animum afficiat, testatur tuæ orationis nitor & elegantia. Insuper latus Historiarum sese aperit campus, in quo

DEDICATIO.

luxuriet solutus, si umquam, publicis curis animus. Quapropter tolle expositum hunc factum & infere tuæ familiæ adoptivam sobolem.

Sic tua processus habeat fortuna perennes:

Sic ope non egeas ipse, juvesque tuos.

Sic habites terras, & te desideret æther:

Sic ad pacta tibi sidera tardus eas.

Vovent

HACKII FRATRES

Nominis Tui

Cultores Humillimi.